

SCRIPT OF MORNING GOJRI NEWS BULLETIN 29JULY 1015 HRS

مارننگ گو جری نیوز بلیٹن مورخہ 29 جولائی 2025

یوہ آکا شوانی جموں ہے عبدلرحمان تیں خبر سُنو۔

LG APPOINTMENT LETTEERS

لیفٹیننٹ گورنر منوج سنہا نے کہیوہے جے جموں کشمیر غا عام شہریاں نانہہ پاکستان غی حمایت یافتہ دہشت گرداں تے دہشت گردی غا نیٹ ورک تیں ناقابل بیان صدمات برداشت کرنا پیا ہیں کیونجے پاکستان پردہ غے پچھے کاروائیاں کر رہیو تھو لیفٹیننٹ گورنر موصوف نے یا گل جموں مانہہ ایک پروگرام غے دوران کی جس مانہہ دہشت گردی تیں متاثرین غا ورثا نانہہ تقرری غا خطوط دتا گیا اس موقع ور خطاب کرتا واں لیفٹیننٹ گورنر موصوف نے کہیو جے دہشت گردی تیں متاثرہ خانداناں نانہہ خاموش رہن ور مجبور کی وگیو اُن غی تکلیفیں نانہہ نظر انداز کیو گیو تانجے دہشت گردی غا مرتکب افراد نانہہ بچایو جاسکے اس موقع ور لیفٹیننٹ گورنر نے دہشت گردی تیں متاثرین غا 80 ورثا نانہہ تقرری غا خطوط دتا یوہ پروگرام بارہمولہ مانہہ ہون آلا ایک تاریخی پروگرام غی طرز ور منعقد کیو گیو جت 40 دہشت گردی تیں متاثر خانداناں نانہہ تقرری غا خطوط دتا گیا تھا۔

LG IIT

لیفٹیننٹ گورنر منوج سنہا نے ٹیک سٹارٹ اپس مصنوعی زبانت آٹو موبائل تے خلائی سیکٹراں مانہہ آئی آئی ٹی گرجویشن غی شمولیت غی حصے داری بدھان ور زور دیتا واں کہیو جے توانائی تے ماحولیات وی ایسا شعبہ ہیں جن مانہہ آئی آئی ٹی انجینئرنگ گرجویشن غی ذہانت مستقبل قریب مانہہ قیاد غو کردار ادعا کرے گی لیفٹیننٹ گورنر موصوف نیپاہ گل انڈین انسٹیٹیوٹ آف ٹیکنالوجی آئی آئی ٹی جموں مانہہ بی ٹیک ایم ٹیک پی ایچ ڈی تے ایم ایس سی غا طالب علمان نانہہ کوش آمدید کہن واسطے منعقد افتتاحی تقریب نو آر منجھ سنگ خطاب کرتا واں کہی اپنا خطاب مانہہ اُنہاں نے قوم غی تعمیر مانہہ آئی آئی ٹیز غی غیر معمولی خدمات تے سائنسی وٹیکنالوجی مہارتاں غی رہائیاں ور محیط ترقی نانہہ سہرايو۔ جس نے عالمی سطح ور انسانی زندگیاں ور مثبت اثرات مرتب کیا ہیں۔

LG ARCHERS DELEGATION

قومی سطح غا تیراندازوں غا ایک وفد، جن مانہہ رتک شرما، شبہم شرماتے امیت ٹھاکر شامل تھا نے لیفٹیننٹ گورنر منوج سنہا تیں ملاقات کی۔ ان غے ہمراہ قومی تیراندازی ٹیم غی کوچ ابھلاشا چودھری وی تھیں۔ وفد غا ارکان نے یو ٹی مانہہ تیراندازی تے دیگر کھیڈاں نانہہ فروغ دینے ور ایل جی موصوف غو شکریو ادا کیو۔ ایل جی موصوف نے رتک شرما ورلڈ یونیورسٹی گیمز 2025 مانہہ چاندی غو تمغہ جیتن FISU نانہہ جرمنی مانہہ منعقدہ ور مبارکباد دتی تے آن آلا مقابلوں واسطے نیک خواہشات غواظہار کرتا واں مکمل انتظامی تعاون غویقین دوايو۔

CM VAN MAHOTSAV

وزیر اعلیٰ عمر عبداللہ نے اس گل ور زور دتو ہے جسے ترقی غی ضرورت ہے مگر اس نانہہ سمجھ داری سنگ کیو جانو چاہیے انہاں نے کہیو جسے ہر اک بوٹا غا اکٹن ور سو بوٹا لانا چائیں انہاں نے کہیو جسے تبدیلی حقیقت ہے تے اس غی نشانیں مہارا چفیری واضع ہیں زمین تے مہارو ماحول ایک ورشو ہے جنہاں نانہہ ہم نانہہ آن آلی نشلاں توڑی پُجانو ہے اگر بہتر نہ کیو جاسکے تاں کم از کم محفوظ ضرور کیو جسے وزیر اعلیٰ نے ون ماہ اتسو 2025 غو افتتاح کرتا واں یاہ گل کہی جہیڑو کہ جموں گا ابھنیو تھیڑ مانہہ محکمہ جنگلات جموں کشمیر غی طرفوں منایو گیو اس تقریب مانہہ قبائلی ممبران طلبا شہریاں تے یوٹی غا بکھ بکھ حسان تیں لوکاں نے بڑھ چڑھ غے حصولیو۔

NEP 5 YEARS

آج قومی تعلیمی پالیسی 2020 نانہہ پنج سال مکمل ہو گیا ہیں۔ اس پالیسی نے بھارت غا تعلیمی نظام نانہہ کتاباں، نمبرات تے رٹن تیں آگے لے جا غے طالب علم مرکوز تے جدید خطوط ور استوار کرن غی راہ ہموار کی ہے۔ پچھلے پنج براں مانہہ نین بھارت تے ودیا پرویش جیسا اقدامات غے ذریعے 4.2 کروڑ تیں زیادہ طلبہ نانہہ فائندو پُجے ہے، جہیڑا ملک بھر غا 8.9 لاکھ تیں زیادہ اسکولوں مانہہ تعلیم حاصل کر رہیا ہیں۔ یہ اصلاحات ہر سطح ور تعلیم نانہہ مزید مؤثر تے ہمہ گیر بنان مانہہ مددگار ثابت ہو رہی ہے۔

DY CM PUBLIC DARBAR

نائیب وزیر اعلیٰ سریندر چودھری نے راجیو کملہ تے اندروٹھہ نوشہرہ ضلع راجوری غا گرایاں مانہہ ایک عوامی دربار منعقد کیو تانجے عوامی شکایات تے مسائل غو برائے راست جائیزو لیو جاسکے اس موقع ور بکھ بکھ شعبہ بارے زندگی سنگ تعلق رکھن آلا افراد نے بنیادی سہولیات تیں لے غے بنیادی ٹھانچہ غی ترقی تک غا مسائل برا آرام تے غور سنگ سنیا تے اُن نے کہیو جسے حکومت غو مشن شمولیتی طرز حکمرانی ہے جہیڑو جموں کشمیر غا ہر کونہ تک پُجے جناب سریندر چوہدری نے اندروٹھہ مانہہ ایچ ایس سی سی کمیٹی غے تحت بلاک عوامی صحت یونٹ غو نیں پتھر وی رکھیو۔

SATISH STI

اطلاعاتی ٹیکنالوجی غا وزیر ستیش شرما نے کل آئی آئی ٹی جموں میں سائنس، ٹیکنالوجی S&T تے اختراع، وریک اہم اسٹیک ہولڈرز میٹ غو افتتاح کیو۔ یاہ تقریب شمالی ریجن کلسٹر تے جسے کے سائنس، ٹیکنالوجی تے جدت کونسل غا اشتراک تیں منعقد کی گئی، جس میں تعلیمی اداروں، حکومت، صنعت تے اسٹارٹ اپ سیکٹر غا نمائندوں نے شرکت کی۔ اس شمالی بھارت کے عوامی (GINI) موقع پر وزیر نے ترے بڑا اختراعی منصوبہ شروع کیا ، جہیڑی تحقیق تے SPARK-J&K موجدوں کے لیے، انویشن ایمبیسڈرز پروگرام، تے علم نانہہ فروغ دین غوایک اسٹریٹجک پروگرام ہے۔

AMARNATH YATRA

دوسری جانب امرناتھ یاترا غو 27 واں قافلہ آج صبح سویرے سخت حفاظتی بندوبست غے تحت جموں تیں

کشمیر وادی دروانہ ہوو۔ یاہ 61 گڈیاں ور مشتمل 1,490 یاتریوں نے بھگوتی نگر یاتری
نواس بیس کیمپ تیں اپنا سفر غوآغاز کیو، جن میں 1262 مرد، 186 خواتین تے 42 سادھو تے
سادھوی شامل تھا۔ ان وچوں 327 یاتری بالتل جدکہ 1,163 یاتری پہلگام بیس کیمپ
واسطے روانہ ہوا، جتوں وے اس مقدس امرناتھ غار در اپنی یاترا جاری رکھیں گا۔ حفاظتی
دستاں نے یاترا نانہہ پرامن تے محفوظ بنانے واسطے مکمل انتظامات کیا
ہیں۔*****